




«05» 06 2019թ


Վայրը

Որոշում 426

2019 ԹՎԱԿԱՆԻ ԱՊՐԻԼԻ 19-Ի «ԿԱՐԻՆԵ ՄԱՐԳԱՐՅԱՆ» ԱՆՀԱՏ ՁԵՌՆԱՐԿԱՏԻՐՈՋ
ՆԿԱՏՄԱՄԲ ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ ԹԻՎ 397 ՈՐՈՇՈՒՄՆ ԱՌ ՈՉԻՆՉ
ՃԱՆԱԶԵԼՈՒ ՄԱՍԻՆ

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետը, 45-րդ հոդվածի 5-րդ մասը և հաշվի առնելով Հայաստանի Հանրապետության տարածքային կառավարման և զարգացման նախարարի 2019 թվականի փետրվարի 4-ի թիվ N 01/15.2/652-19 գրությամբ ներկայացված տվյալները և ղեկավարվելով ՀՀ վարչապետի 2018 թվականի հունիսի 11-ի N755-Լ որոշմամբ հաստատված Հայաստանի Հանրապետության առողջապահական և աշխատանքի տեսչական մարմնի կանոնադրության 19-րդ կետի 7-րդ ենթակետի դրույթով, ՀՀ առողջապահական և աշխատանքի տեսչական մարմնում 2019 թվականի փետրվարի 21-ին հարուցվել է վարչական վարույթ՝ ՀՀ առողջապահության նախարարի 2009 թվականի ապրիլի 16-ի թիվ 06-Ն հրամանով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնների և նորմերի հավելվածով սահմանված պահանջների կատարումը ՀՀ Արմավիրի մարզի Մեծամոր համայնքում գործող անհատ ձեռնարկատեր Կարինե Մարգարյանին (ՀՎՀՀ՝ 89786918) պատկանող գազալցակայանում պարզելու նպատակով:

ՀՀ առողջապահական և աշխատանքի տեսչական մարմնում 2019 թվականի ապրիլի 19-ին իրականացվել է վարչական իրավախախտման գործի քննություն, որին անհատ ձեռնարկատեր Կարինե Մարգարյանը չէր ներկայացել՝ չնայած պատշաճ ծանուցմանը:

Արդյունքում, ՀՀ առողջապահական և աշխատանքի տեսչական մարմնի ղեկավարի 2019 թվականի ապրիլի 19-ի թիվ 397 որոշմամբ անհատ ձեռնարկատեր Կարինե Մարգարյանի նկատմամբ նշանակվել է վարչական տույժ:

«Վարչարարության հիմունքների և վարչական վարույթի մասին» ՀՀ օրենքի 62-րդ հոդվածի 1-ին մասի «գ» կետի համաձայն՝ առ ոչինչ է այն վարչական ակտը, որում առկա են, մասնավորապես՝ հետևյալ ակնառու սխալները. ակտից պարզ չէ, թե դա որոշակիորեն ում է հասցեագրված, կամ հայտնի չէ, թե ինչ հարց է կարգավորում:

Հաշվի առնելով այն հանգամանքը, որ ՀՀ առողջապահական և աշխատանքի տեսչական մարմնում 21.02.2019 թ-ին հարուցված վարչական վարույթի շրջանակներում նշակվել է զննում ՀՀ առողջապահության նախարարի 2009 թվականի ապրիլի 16-ի թիվ 06-Ն հրամանով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնների և նորմերի հավելվածով սահմանված իրավական ակտի պահանջների պահպանումը պարզելու համար, մինչդեռ անհատ ձեռնարկատեր Կարինե Մարգարյանը գործունեություն չի ծավալում հեղուկ վառելիքի, սեղմված բնական կամ հեղուկացված նավթային գազերի մանրածախ առևտրի ոլորտում, հետևապես անհատ ձեռնարկատեր Կարինե Մարգարյանի նկատմամբ 2019 թվականի ապրիլի 19-ի թիվ 397 որոշումը չի կարող կարգավորել անհատ ձեռնարկատիրոջ կողմից ՀՀ առողջապահության նախարարի 2009 թվականի ապրիլի 16-ի թիվ 06-Ն հրամանով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնների և նորմերի հավելվածով սահմանված իրավական ակտերի պահանջները խախտելու համար (որոնք վերջինիս կողմից ըստ էության չեն խախտվել) վարչական պատասխանատվության ենթարկելու հարցը:

Ելնելով վերոնշյալից, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 62-րդ հոդվածի 1-ին մասի «գ» կետի և 4-րդ մասի պահանջներով.

ՈՐՈՇՈՒՄ ԵՄ

1. Առ ոչինչ ճանաչել 2019 թվականի ապրիլի 19-ի անհատ ձեռնարկատեր Կարինե Մարգարյանի նկատմամբ վարչական տույժ նշանակելու մասին թիվ որոշումը,
2. Սույն որոշումը ծանուցել անհատ ձեռնարկատեր Կարինե Մարգարյանին:



Восстановимая подпись

X

[Handwritten signature]

ԷԴԳԱՐ ԽՈՒՐՇՈՒԴՅԱՆ

Подписано: KHURSHUDYAN EDGAR 4001830221



Է. ԽՈՒՐՇՈՒԴՅԱՆ

